

Solicitante	Título proxecto	Resultado	Importe (en €)
Concello de Ponte Caldelas P-3604300-H	Sexo en tres dimensións.	Denegada	0
Concello de Santiago de Compostela UMAD-Santiago P-15079006	Programa de Prevención de VIH/sida dirixido a adolescentes en situación de risco: Obradoiro de sexo máis seguro.	Aprobada	1.075
	Programa de prevención de VIH/sida dirixido ao Centro de Educación Especial O Pedroso: sexo máis seguro.	Aprobada	1.100
	Programa de prevención de transmisión de VIH/sida dirixido a usuarios e exusuarios: Obradoiro de sexo máis seguro e Obradoiro de consumo de menos risco.	Aprobada	1.100
	Programas de rúa ou de achegamento con participación de usuarios ou exusuarios de drogas: Bola de neve.	Aprobada	1.125
	Programa Kamelamos guinar de prevención de VIH/sida dirixido ao colectivo específico de: xitanos e xitanas.	Aprobada	1.125
	Programa preventivo de VIH/sida dirixido ao colectivo gay de Santiago de Compostela.	Aprobada	1.100
Concello de Silleda P-3605200-I	Os xóvenes queremos ser sans.	Aprobada	525
Concello de Soutomaior P-36055300-G	100% Seguros/as.	Aprobada	600
Concello de Trazo P-1508700-J	Sida, saber axuda!	Aprobada	550
Concello de Tui P-3605500-B	Actividades de formación-prevención do VIH/sida.	Aprobada	600
Concello de Vila de Cruces P-3605900-D	Proxecto de prevención de VIH.	Aprobada	550
Total concellos			19.500

CONSELLERÍA DE PESCA E ASUNTOS MARÍTIMOS

Orde do 24 de setembro de 2008 pola que se establecen as bases reguladoras e a convocatoria para a concesión de axudas aos armadores ou propietarios de buques con porto base en Galicia que pescan na costeira do bocareo pola paralización da súa actividade.

A Orde APA/2150/2007, do 13 de xuño, estableceu un plan de xestión para a pesqueira do bocareo no Golfo de Bizkaia, co obxectivo de regular o esforzo nesa pesqueira.

No ano 2008 as condicións do recurso seguen aconsellando continuar coa regulación do esforzo para a devandita pesqueira, continuando coa limitación da inclusión de novos buques na lista da costeira do bocareo, salvo no caso de que a nova incorporación sexa mediante a substitución doutro de características similares.

Ademais da limitación sinalada no parágrafo anterior, a Orde ARM/1905/2008, do 25 de xuño, determinou a paralización temporal da actividade pesqueira, logo de comunicación á Comisión Europea, en aplicación do artigo 46 do Regulamento (CE) nº 850/1998, do Consello, do 30 de marzo de 2008.

O artigo 24 do Regulamento (CE) nº 1198/2006, do Consello, do 27 de xullo de 2006, relativo ao Fondo Europeo de Pesca, prevé o establecemento de axudas para manter os medios de produción das empresas pesqueiras afectadas por medidas excepcionais de cesamento da actividade para conservación dos recursos e que non necesitan unha redución definitiva da capacidade.

En consecuencia, mediante esta orde establécense as bases reguladoras e a convocatoria para a concesión de axudas aos armadores ou propietarios afec-

tados pola paralización da súa actividade pesqueira, cofinanciadas polo Fondo Europeo da Pesca.

De acordo co previsto no artigo 19.3º da Lei 9/2007, do 13 de xuño, de subvencións de Galicia, tendo en conta que os potenciais beneficiarios están determinados en relación cun período subvencionable pechado e un censo definido, non resulta necesario fixar unha orde de prelación das solicitudes.

En atención á especificidade da medida, e en particular, á prisa para que sexa efectiva e cumpra o obxectivo de paliar a situación conxuntural de suspensión da actividade pesqueira, nesta disposición recóllense conxuntamente as bases e a convocatoria das indemnizacións, ao abeiro do previsto no artigo 20 a) da Lei 9/2007, do 13 de xuño, de subvencións de Galicia.

Por todo isto, e de acordo co disposto no artigo 30. 1º. 3 do Estatuto de autonomía de Galicia, e en uso da competencia que me confire a Lei 1/1983, do 22 de febreiro, de normas reguladoras da Xunta e da súa Presidencia, oído o sector interesado,

DISPOÑO:

Artigo 1º.-*Obxecto.*

1. Mediante esta orde establécense as bases reguladoras e a convocatoria para a concesión de axudas a armadores ou propietarios de buques con porto base na Comunidade Autónoma de Galicia como consecuencia da paralización temporal da frota que pesca na costeira do bocareo.

2. Estas indemnizacións outorgaranse polas paradas realizadas durante o período abranguido entre o 25 de abril e o 30 de outubro de 2008.

Este período poderá, de ser o caso, ser prorrogado á vista da evolución da pesqueira, o que podería ampliar en consecuencia o período de aplicación das axudas.

3. O período máximo de paralización será, en todo caso, de 40 días, e dentro das datas establecidas no número 2 deste artigo.

Artigo 2º.-Financiamento.

1. O financiamento das axudas efectuarase con cargo á aplicación orzamentaria 14.03.723A.770.2 dos orzamentos xerais da Comunidade Autónoma de Galicia, ata unha contía máxima de 790.000 euros, que está cofinanciada polo Fondo Europeo de Pesca nun 61%. Este crédito poderá ser ampliado sen que isto dea orixe á apertura dun novo período de presentación de solicitudes.

2. Tanto a concesión da axuda como o seu pagamento quedan supeditados á existencia de crédito axeitado e suficiente na aplicación orzamentaria correspondente dos orzamentos xerais da Comunidade Autónoma de Galicia.

Artigo 3º.-Beneficiarios.

1. Poderán ser beneficiarios das axudas por paralización temporal da actividade os armadores ou propietarios de buques pesqueiros con porto base na Comunidade Autónoma de Galicia que reúnan os seguintes requisitos:

a) Estar autorizado a pescar na costeira do bocareo no período abranguido entre o 1 de abril e o 30 de xuño deste ano 2008.

b) Estar inscrito no Censo da Frota Pesqueira Operativa.

c) Pertencer á modalidade de cerco Cantábrico Noroeste.

d) Que cesen na súa actividade durante o período abranguido entre o 25 de abril e o 30 de outubro de 2008, ambos os dous días incluídos.

e) Que cumpran cos requisitos establecidos no artigo 4.

f) Que desenvolveran actividade con arte ao cerco no 2006 ou 2007.

2. Se durante o período abranguido entre o 25 de abril e o 30 de outubro de 2008 un buque fose substituído por outro, o buque substituto participará de todos os dereitos que pertencesen ao anterior para os efectos do cobramento da axuda pola parada temporal.

Artigo 4º.-Requisitos.

1. Para a obtención das axudas os armadores ou propietarios de buques de pesca deberán reunir os seguintes requisitos:

Requisitos xerais:

a) Non poderán ser beneficiarios destas axudas as persoas en que concorra algunha das circunstancias previstas no artigo 10 da Lei 9/2007, do 13 de xuño, de subvencións de Galicia.

b) Os solicitantes da axuda deben estar ao día nas obrigas tributarias e coa Seguridade Social e non ter pendente de pagamento ningunha débeda, por ningún concepto, coa Administración pública da Comunidade Autónoma de Galicia.

Requisitos específicos:

a) Pertencer á terceira lista do Rexistro de Buques e Empresas Navieiras, o que se acreditará do xeito expresado no artigo 9º - 2, c), 1.

b) Estar autorizados pola Secretaría Xeral do Mar do Ministerio de Medio Ambiente, Medio Rural e Mariño, para a pesca ao cerco nas zonas CIEM VII e VIII a, b, d (augas comunitarias) e VIII c. (augas comunitarias non españolas), o que verificará a Dirección Xeral de Recursos Pesqueiros, no período comprendido entre o 1 de abril ao 30 de xuño de 2008, ambos os dous inclusive.

c) Durante o período de paralización, a inactividade de pesqueira debe ser total e o buque debe permanecer amarrado ao porto, sen que sexa necesario que ese porto coincida co seu porto base.

Artigo 5º.-Contía da axuda.

1. A contía das axudas determinarase en función do número de días que efectivamente parasen os buques, que en ningún caso poderá ser superior ao período máximo de 40 días indicado no artigo 1º.

2. O importe máximo por día de axuda será o que figura no Programa operativo do FEP, aprobado pola Comisión Europea mediante Decisión C (2007) 6615, do 13 de decembro de 2007, e que consta no anexo II desta orde.

Artigo 6º.-Duración das axudas.

1. As axudas outorgaranse por un período máximo de 40 días de paralización temporal, durante o período abranguido entre o 25 de abril e o 30 de outubro de 2008, ambos os dous inclusive. Se este período de paralización, determinado na Orde ARM/1905/2008, do 25 de xuño, fose prorrogado, de acordo co previsto no seu artigo 3.2º, as axudas poderían estenderse aos días correspondentes á dita prórroga.

As paradas subvencionables poderán realizarse ata en 3 períodos, e non poderá ser ningún deles inferior a 10 días, de acordo coas seguintes modalidades:

a) Un só período de 40 días.

b) Dous períodos de 20 días cada un.

c) Dous períodos de 10 e 30 días ou viceversa, respectivamente.

d) Tres períodos; ningún deles será inferior a 10 días.

2. Serán computables para os efectos de paralización:

a) Os días efectivamente parados, en que o buque permanece amarrado a porto e entregado o rol en Capitanía Marítima.

b) Os días de entrega e retirada do rol.

c) Os días de tránsito desde o caladoiro a porto.

Os períodos de tránsito xustificaranse na forma indicada no artigo 9º.2, letra c), número 5.

Artigo 7º.-*Incompatibilidades.*

As axudas concedidas aos armadores ou propietarios son incompatibles co exercicio da actividade profesional noutras modalidades de pesca durante o período da parada, así como a percepción doutras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, todo iso sen prexuízo do establecido no artigo 6º.2.

Artigo 8º.-*Prazo e lugar de presentación das solicitudes.*

1. Establécese un prazo de presentación de solicitudes dun mes, que se contará:

a) Desde a publicación desta orde no Diario Oficial de Galicia para os buques que parasen en períodos anteriores á súa publicación.

b) Para o resto das solicitudes que efectúen as paradas con posterioridade á publicación desta orde, desde a finalización de cada parada.

Entenderase como derradeiro día do prazo o correspondente ao mesmo ordinal do día da publicación. Se o último día de prazo fose inhábil, entenderase prorrogado ao primeiro día hábil seguinte e, se no mes do vencemento non houberse día equivalente ao inicial do cómputo, entenderase que o prazo expira o último do mes.

2. Non serán admitidas a trámite as solicitudes que se presenten fóra do prazo establecido, das cales se resolverá a súa inadmisión, que lles deberá ser notificada aos interesados nos termos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común.

3. As solicitudes de axudas reguladas nesta orde poderán presentarse:

a) Preferentemente no rexistro da entidade colaboradora indicada no artigo 10º desta orde.

b) No rexistro central da Consellería de Pesca e Asuntos Marítimos, sen prexuízo de que poidan presentarse nos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

4. Os órganos de representación das confrarías de pescadores poderán actuar como representantes do interesado para a presentación da solicitude nos termos que establece o artigo 32 da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 9º.-*Solicitudes e documentación.*

1. As solicitudes deberán formularse conforme o modelo que figura no anexo I a esta orde, por duplicado, xunto á documentación requirida.

2. A documentación que deberá xuntarse á solicitude é a seguinte:

a) Documentación de carácter xeral:

1º. Cando se trate de persoa física: documento nacional de identidade (DNI).

2º. Cando se trate de persoa xurídica: tarxeta de identificación fiscal (CIF).

3º. Certificación/s bancaria/s onde conste/n o/os número/s de conta cuxo/s titulares sexa/n o/os solicitante/s, para os efectos de realizar, de ser o caso, a transferencia da axuda aprobada.

4º. Certificación que acredite estar ao día nas obrigas tributarias e coa Seguridade Social e que non ten pendente de pagamento ningunha débeda, por ningún concepto, coa Administración pública da Comunidade Autónoma galega.

Non será precisa que achegue estes certificados o solicitante se manifesta expresamente o seu cosentimento, conforme a autorización contida no modelo que figura no anexo I, para que estes datos sexan obtidos polo órgano xestor.

b) Documentación acreditativa da representación:

1º. Os que comparezan ou asinen as solicitudes de subvención en nome doutro, presentarán a acreditación da dita representación. A persoa con poder suficiente para os efectos de representación deberá achegar o seu documento nacional de identidade.

c) Documentación específica.

1.-Folla de asento de inscrición marítima actualizada do buque.

2.-Certificación rexistral actualizada da propiedade do buque.

3.-Certificado de arqueo actualizado en tonelaxe de arqueo bruto (GT), expedido pola Dirección Xeral da Mariña Mercante do Ministerio de Fomento.

4.-Xustificación de que o rol do buque foi depositado, facendo constar a data e o organismo ou dependencia en que se depositou, así como o período de inmovilización. Este documento deberá ser emitido pola Capitanía Marítima correspondente.

5.-Os días de parada anteriores á entrada en vigor desta orde, en ausencia do certificado de Capitanía Marítima a que se refire o número anterior, poderán

ser xustificados mediante certificación expedida de oficio pola Dirección Xeral de Recursos Pesqueiros da Secretaría Xeral do Mar unha vez comprobados os datos a través do sistema de localización de pesqueiras vía satélite español ou outros medios pertinentes.

6.-Acreditación da condición de armador do buque e, de ser o caso, a representación exercida polo solicitante da axuda.

3. No suposto de realizar a parada en máis dun período, de acordo co establecido no artigo 6º, número 1, nas solicitudes correspondentes ao segundo e terceiro período, unicamente será necesario achegar xunto coa solicitude o xustificante de acreditación da Capitanía Marítima do período de inmovilización a que fai referencia a letra c), 4, do número 2. deste artigo, sempre que non houbese ningún cambio en relación cos documentos xa achegados na primeira solicitude de axuda.

Artigo 10º.-*Entidades colaboradoras.*

1. A Federación Galega de Confrarías actuará como entidade colaboradora na xestión das axudas, de acordo co disposto nos artigos 9º, 10º, 12º e 13º da Lei 9/2007, do 13 de xuño, de subvencións de Galicia, e sempre que cumpran cos requisitos establecidos polos preceptos aludidos.

2. A Consellería de Pesca e Asuntos Marítimos e a precitada entidade subscribirán un convenio de colaboración en que se establecerán as condicións e obrigas asumidas por estas na xestión das axudas reguladas nesta orde. O contido mínimo do convenio será o que se establece no artigo 13 da Lei 9/2007, de subvencións de Galicia.

3. Os requisitos para obter a condición de entidade colaboradora serán os establecidos no artigo 10 da Lei 9/2007, do 13 de xuño, de subvencións de Galicia.

4. De acordo co previsto no artigo 13 m) da Lei 9/2007, do 13 de xuño, de subvencións de Galicia, no convenio en que se formalice a colaboración poderase fixar unha compensación económica a favor da entidade colaboradora pola dita colaboración.

Artigo 11º.-*Tramitación e emenda de solicitudes.*

1. A entidade colaboradora comprobará e acreditará o cumprimento das condicións e requisitos determinantes para a concesión da subvención.

2. Se a documentación presentada fose incompleta ou tivese erros emendables, a entidade colaboradora requirirá os solicitantes para que no prazo de 10 días hábiles, de acordo co artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, emenden a falta ou presenten os documentos preceptivos, coa advertencia de que, se non o fixen, serán tidos por desistidos na súa solicitude, de acordo co devandito artigo e logo da resolución que

se ditará nos termos previstos no artigo 42 da mesma lei.

3. Unha vez realizada a anterior comprobación, remitiralle á Dirección Xeral de Estruturas e Mercados da Pesca unha certificación en que constará a relación dos beneficiarios que cumpran as condicións e os requisitos establecidos nesta orde.

Estes datos serán remitidos pola entidade colaboradora nun ficheiro informático que conterá para cada beneficiario o nome do solicitante, NIF, código do buque ou buques, nome e número de inscrición de matrícula e folio do buque ou buques, o importe proposto da subvención e a conta bancaria. Tamén se emitirá certificación relativa aos solicitantes que non reúnan os requisitos necesarios para ser beneficiario, indicando a causa.

4. Igualmente, neste momento e para os efectos de axilizar o trámite de análise e resolución da liña de axudas, concederáselles un prazo de 10 días naturais aos interesados que reúnan os requisitos que derivan desta orde para que acepten a axuda, transcorrido o cal sen producirse manifestación expresa, se entenderá tacitamente aceptada.

Artigo 12º.-*Orde de prelación das solicitudes.*

De acordo co previsto no artigo 19.2º da Lei 9/2007, de subvencións de Galicia, non será preciso fixar unha orde de prelación entre as solicitudes presentadas, tendo en conta a contía do crédito con cargo ao cal se financiarán estas axudas e o número máximo posible de solicitudes.

Artigo 13º.-*Resolución e notificación.*

1. Á vista dos datos facilitados pola entidade colaboradora, o director xeral de Estruturas e Mercados da Pesca, por delegación da conselleira de Pesca e Asuntos Marítimos, en virtude do previsto no artigo 7.3º da Lei 9/2007, do 13 de xuño, de subvencións de Galicia, ditará a correspondente resolución no prazo máximo de 4 meses desde a publicación desta orde de axudas.

2. Se transcorrido o devandito prazo non se ditase e notificase a resolución, os interesados poderán entender desestimada a súa solicitude.

Artigo 14º.-*Recursos.*

A resolución de adxudicación da subvención porá fin á vía administrativa e contra ela poderase interpoñer recurso potestativo de reposición ante a persoa titular da Consellería de Pesca e Asuntos Marítimos no prazo dun mes, contado a partir do día seguinte ao da recepción da notificación da resolución, no caso de ser expresa, ou no prazo de tres meses desde que se entenda desestimada por silencio administrativo; ou ben recurso contencioso-administrativo, nos casos de resolución presunta, ante o órgano xurisdiccional competente no prazo de dous meses se a resolución fose expresa e contados desde o día seguinte ao da súa recepción ou de seis

meses desde que se entenda desestimada por silencio administrativo.

Artigo 15º.-*Pagamento.*

1. A resolución de pagamento poderá acordarse no mesmo acto administrativo que o da concesión ao non se necesitar ningún feito causante diferente entre un momento procesual e o outro.

2. O pagamento das axudas efectuarase na conta bancaria designada polo beneficiario na súa solicitude unha vez recibida a certificación da entidade colaboradora a que se fai referencia no artigo 11º desta orde.

Artigo 16º.-*Obrigas dos beneficiarios.*

Son obrigas dos beneficiarios das axudas que regula esta orde:

1. Cumprir e xustificar os requisitos e condicións que determinan a concesión da subvención.

2. Someterse ás actuacións de comprobación que efectuará a Consellería de Pesca e Asuntos Marítimos, así como calquera outra comprobación e control financeiro que poidan realizar os órganos de control competentes, tanto nacionais como comunitarios, achegando canta información lles sexa requirida no exercicio das actuacións anteriores.

3. Comunicar calquera circunstancia que afecte os requisitos e condicións polos cales se conceda a axuda.

Artigo 17º.-*Incumprimento e reintegro das axudas.*

Procederá o reintegro total ou parcial da subvención concedida e dos xuros de demora correspondentes desde o momento do pagamento da subvención e ata a data en que se acorde a procedencia do reintegro, nos supostos previstos no artigo 33 da Lei 9/2007, do 13 de xuño, de subvencións de Galicia.

Artigo 18º.-*Infraccións e sancións.*

Sen prexuízo do establecido nos parágrafos anteriores, aos beneficiarios das axudas reguladas nestas bases e ás entidades colaboradoras, de ser o caso, seralles de aplicación o réxime de infraccións e sancións previsto no título IV da Lei 9/2007, do 13 de xuño, de subvencións de Galicia.

Artigo 19º.-*Autorizacións do beneficiario.*

1. A presentación da solicitude de concesión de axuda ou subvención polo interesado comportará a autorización ao órgano xestor para incluír e facer públicos nos rexistros de axudas, subvencións, convenios e sancións os datos relevantes referidos ás axudas recibidas, así como as sancións impostas consono o regulado no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

2. De acordo co establecido no artigo 20.3º da Lei 9/2007, do 13 de xuño, de subvencións de Gal-

icia, a presentación da solicitude de concesión de subvención comportará a autorización ao órgano xestor para solicitar as certificacións que deban emitir a Axencia Estatal de Administración Tributaria, a Tesourería Xeral da Seguridade Social e a Consellería de Economía e Facenda da Xunta de Galicia, co fin de acreditar que o solicitante está ao día nas obrigas tributarias e coa Seguridade Social e que non ten pendente de pagamento ningunha débeda, por ningún concepto, coa Administración pública da Comunidade Autónoma galega. Non obstante, se por razóns técnicas ou doutra índole estes certificados non puidesen ser obtidos polo órgano xestor, poderán serlles requiridos ao interesado.

Artigo 20º.-*Información e publicidade.*

1. En aplicación do establecido no artigo 15 da Lei de subvencións de Galicia, serán obxecto de publicación no *Diario Oficial de Galicia* as axudas concedidas, expresando a convocatoria, programa e crédito orzamentario a que se imputen, o beneficiario, a cantidade concedida e a finalidade da subvención.

2. De conformidade co establecido no artigo 13, número 4º, da Lei 4/2006, do 30 de xuño, de transparencia e boas prácticas na Administración pública galega, a Consellería de Pesca e Asuntos Marítimos publicará na súa páxina web oficial a relación de beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

Disposicións adicionais

Primeira.-Normativa aplicable.

En todo o non previsto nesta orde serán de aplicación o Regulamento CE 2371/2002, Regulamento CE 865/2007, a Lei 9/2007, de subvencións de Galicia, Lei 38/2003, do 17 de novembro, xeral de subvencións, o regulamento da Lei 38/2003, do 17 de novembro, xeral de subvencións, aprobado polo Real decreto 887/2006, do 21 de xullo, así como a Lei 30/1992, do 26 de novembro, de réxime xurídico das administracións públicas e do procedemento administrativo común.

Segunda.-Desenvolvemento e execución.

Facúltase o director xeral de Estruturas e Mercados da Pesca para ditar cantas disposicións sexan necesarias para o desenvolvemento e execución desta orde.

Disposición derradeira

Única.-Entrada en vigor.

Esta orde producirá efectos desde o día seguinte ao da súa publicación no *Diario Oficial de Galicia*.

Santiago de Compostela, 24 de setembro de 2008.

María Carmen Gallego Calvar
Conselleira de Pesca e Asuntos Marítimos



XUNTA DE GALICIA
CONSELLERÍA DE PESCA E
ASUNTOS MARÍTIMOS

ANEXO I

**UNIÓN
EUROPEA**



FONDO EUROPEO DA PESCA

PROCEDEMENTO AXUDAS AUTONÓMICAS AOS ARMADORES OU PROPIETARIOS DE BUQUES CON PORTO BASE EN GALICIA QUE PESCAN NA COSTEIRA DO BOCAREO POLA PARALIZACIÓN DA SÚA ACTIVIDADE	CÓDIGO DO PROCEDEMENTO PE105H	DOCUMENTO SOLICITUDE
---	---	--------------------------------

I. DATOS DO/A SOLICITANTE

PRIMEIRO APELIDO	SEGUNDO APELIDO	NOME	NIF
ENDEREZO		PROVINCIA	CONCELLO
LOCALIDADE	CÓDIGO POSTAL	TELÉFONO	FAX
CORREO ELECTRÓNICO			

II. DATOS DO/A REPRESENTANTE DO/A SOLICITANTE

PRIMEIRO APELIDO	SEGUNDO APELIDO	NOME	NIF
ENDEREZO			PROVINCIA
CONCELLO	LOCALIDADE	CÓDIGO POSTAL	TELÉFONO

III. DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
NOME		ENDEREZO (RÚA E NÚMERO)	
PROVINCIA	POBOACIÓN		CÓDIGO POSTAL

IV. DATOS DA EMBARCACIÓN

NOME DO BARCO	MATRÍCULA E FOLIO
PORTO BASE	G.T.

AUTORIZO O ÓRGANO XESTOR:

- A obter dos organismos competentes os certificados de que estou ao día no cumprimento das obrigas tributarias e sociais e non ter débedas pendentes de pagamento coa Xunta de Galicia.
- A facer públicos nos rexistros do artigo 16 da Lei 9/2007, do 13 de xuño, de subvencións de Galicia, os datos relevantes referidos ás axudas e subvencións recibidas, así como ás sancións impostas, se é o caso.
- A publicar, en virtude do artigo 13 punto 4º da Lei 4/2006, do 30 de xuño, de transparencia e boas prácticas na Administración pública galega, na páxina web da consellería, o feito de seren beneficiarios dunha axuda e o seu importe, polo que a presentación da solicitude leva implícita a autorización para o tratamento necesario dos datos do beneficiario.

DECLARO: non estar incurso en ningunha das causas de prohibicións establecidas no artigo 10 da Lei 9/2007, do 13 de xuño, de subvencións de Galicia para obter a condición de beneficiario dunha subvención.

LEXISLACIÓN APLICABLE

- Regulamento (CE) nº 1198/2006, do 27 de xullo, relativo ao Fondo Europeo da Pesca.
- Orde do 24 de setembro de 2008 pola que se establecen as bases reguladoras e a convocatoria para a concesión de axudas aos armadores ou propietarios de buques con porto base en Galicia que pescan na costeira do bocareo pola paralización da súa actividade.

SINATURA DO/A SOLICITANTE OU PERSOA QUE O REPRESENTA

En

o

(Para cubrir pola Administración)

RECIBIDO

REVISADO E CONFORME

NÚMERO DE
EXPEDIENTE

DATA DE ENTRADA

___/___/___

DATA DE EFECTOS

___/___/___

DATA DE SAÍDA

___/___/___

*ANEXO II***Baremo para o cálculo das indemnizacións**

Indemnización máxima posible para percibir por cada día de parada = (GT embarcación × coeficiente + prima fixa) (en euros).

Onde «coeficiente» vale:

Tramo GT	Valor coeficiente	Prima fixa
Se $GT \leq 25$	5,68	39,6 ¹
Se $25 < GT \leq 50$	4,22	72,6
Se $50 < GT \leq 100$	3,30	118,8

Tramo GT	Valor coeficiente	Prima fixa
Se $100 < GT \leq 250$	2,64	184,8
Se $250 < GT \leq 500$	1,98	349,8
Se $500 < GT \leq 1.500$	1,45	613,8
Se $1500 < GT \leq 2.500$	1,19	1.009,8
Se $GT > 2500$	0,88	1.768,8

¹Garántese un mínimo de 100 euros diarios.

No cálculo do termo [GT embarcación × coeficiente], cando o seu valor sexa inferior ao valor do máximo posible no tramo anterior, aplicarase este último.

O máximo posible será de 40 días.

*ANEXO III***DECLARACIÓN XURADA / PROMESA**

D. /Dª

con DNI ou NIE nº

para efectos de percibir as indemnizacións reguladas nesta orde,

DECLARA / PROMETE

Que non é beneficiario doutras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais.

Calquera modificación no sentido contrario será comunicada inmediatamente.

E para que conste para os efectos oportunos, asino esta declaración en

En

o

ANEXO IV

**MODELO DE SOLICITUDE AXUDAS AUTONÓMICAS AOS ARMADORES OU
PROPIETARIOS DE BUQUES CON PORTO BASE EN GALICIA QUE PESCAN NA
COSTEIRA DO BOCAREO POLA PARALIZACIÓN DA SÚA ACTIVIDADE: ANO 2008
(ORDE -----/2008)**

DOCUMENTACIÓN QUE SE XUNTA ¹

- ☐ DNI ou NIF do solicitante e representante legal.
- ☐ Tarxeta de identificación fiscal.
- ☐ Certificación bancaria.
- ☐ Folla de asento de inscrición marítima certificada e actualizada.
- ☐ Certificación rexistral actualizada da propiedade do buque.
- ☐ Certificado de arqueo en tonelaxe de arqueo bruto (GT) expedido pola Dirección Xeral da Mariña Mercante.
- ☐ Certificación acreditativa do depósito de rol e da inactividade pesqueira expedido pola Capitanía Marítima do porto base do buque, en que se faga constar a data, así como do período total de inmovilización.
- ☐ No caso de tratarse de persoas xurídicas, ou de persoas físicas que representan persoas xurídicas, deberá achegarse o documento que acredite a representación.
- ☐ No caso de tratarse do armador, certificación do Instituto Social da Mariña acreditativa de estar en situación de alta asociado á dita embarcación.
- ☐ Declaración xurada do interesado de non ter recibido nin solicitado outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado nacional, da Unión Europea ou de organismos internacionais.

Sinatura

¹ Marcar cunha aspa o recadro correspondente**IV. OPOSICIÓN E CONCURSOS****VICEPRESIDENCIA DA IGUALDADE E DO BENESTAR**

Orde do 17 de setembro de 2008 pola que se convoca a provisión, polo sistema de libre designación, dun posto de traballo vacante na Vicepresidencia.

De conformidade co establecido no artigo 29.2º do Decreto lexislativo 1/2008, do 13 de marzo, polo que se aproba o texto refundido da Lei da función pública de Galicia, e no artigo 16 do Decreto 93/1991, do 20 de marzo, polo que se aproba o Regulamento de provisión de postos de traballo, promoción profesional e promoción interna, e en uso das atribucións conferidas polo artigo 17.4º da mesma lei, esta vicepresidencia

DISPÓN:

Primeiro.-Anunciar a convocatoria para cubrir, polo sistema de libre designación, o posto de traballo que se indica no anexo I.

Segundo.-Poderán concorrer a ela os funcionarios de carreira ou os laborais fixos da Xunta de Galicia que reúnan as condicións sinaladas no anexo I.

Terceiro.-As solicitudes para participar nesta convocatoria presentaranse no rexistro xeral da Vicepresidencia da Igualdade e do Benestar (edificio administrativo de San Caetano, s/n, Santiago de Compostela), nas súas delegacións provinciais ou nas oficinas previstas no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de 15 días, contados a partir do seguinte ao da publicación desta orde no *Diario Oficial de Galicia*, segundo o modelo que se inclúe no anexo II.

Cuarto.-Os aspirantes deberán unirle á petición un *curriculum vitae* e xustificar mediante certificación ou copia compulsada os méritos que aleguen.

Quinto.-Esta convocatoria será resolta pola Vicepresidencia da Igualdade e do Benestar. No caso de que resulte seleccionado para ocupar o posto de traballo que se anuncia no anexo I desta orde un funcionario con destino na Administración xeral do Estado, nos seus organismos autónomos, na Administración da Seguridade Social, ou que estea nesta comunidade autónoma como consecuencia dunha comisión de servizos concedida conforme o disposto na disposición transitoria oitava, punto 4º, da Lei 30/1984, do 2 de agosto, requirirase informe favorable da administración de orixe que, de non